

PIREMON

Piremon hã Paw-Ro ma erih do hahỹh

¹ Ỹ Paw-Ro, Kristo Jesus hyb n'aa radawãts gëet doo, ẽr hỹỹ hadoo do Tsimoot hãd nãng do daheeh õm ãã edẽng Piremon, ãã najiis, ãã nemuun Jesus sii moo wãt doo. ² ãã edẽng na-ããj hẽ Jesus hã h'yy ka'eeh do a tób bã kahet'aa doo,^a ẽr ãnh hadoo do Apija hãd nãng do na-ããj hẽ, aj'yy Akipo hãd nãng do na-ããj hẽ baad ãã nemuun Jesus wẽ moo wãt doo. ³ Ỹ karẽn P'op Hagã Do ẽr Yb, Jesus Kristo Tak'ẽp Hyb N'aa Jawyk Do na-ããj hẽ ky en'yym bẽ hã. Ỹ karẽn baad bẽ rah'yyb en'yym.

⁴ Piremon, õm ỹ ky n'aa etsẽẽ bã, ỹ tsebee had'yyt hẽ P'op Hagã Do ỹ h'yy kaha'eeh do wẽ. ⁵ Ỹ tsebẽ, P'op Hagã Do karapee makamahãn ỹ ky n'aa napãh do hyb n'aa, Jesus ẽr wahẽ n'aa hã mah'yy kae had'yyt hẽ ỹ ky n'aa napãh do hyb n'aa na-ããj hẽ. ⁶ Ỹ ky n'aa etsẽẽ õm, Jesus hã mah'yy ka'eeh do hyb n'aa baad mabetsẽh had'yyt hyb n'aa sa hã, baad mabahapãh do hyb n'aa sahõnh hẽ baad hadoo do Kristo hyb n'aa P'op Hagã Do ẽr hã tanoo doo.^b ⁷ Tak'ẽp ỹ h'yy gadajaa kãn, tak'ẽp ỹ h'yyb tsebee kãn wakãn ỹỹ, P'op Hagã Do karapee mah'yyb tseb'ee do hyb n'aa.

⁸ Ti hyb n'aa ỹ eanh a hã mamoo wãt hyb n'aa hahỹ a hã ỹ ky n'aa etsẽẽ doo. Ỹ karẽn bã paawã, ỹ mejũũ paawã õm, Kristo mejũũ do ỹ bahadoo do hyb n'aa. Ti hadoo né hẽ, dooh ỹ karẽn bã õm ỹ mejõ bã. ⁹ Õm ỹ kamahãn do hyb n'aa ỹ eaaj ub a hã. Ỹ Paw-Ro, ỹ wah'ẽẽ dãg kã, Kristo Jesus hyb n'aa radawãts gëet doo, ¹⁰ ỹ etsẽẽ a hã, baad magado Onesĩm p'aa hẽnh a wẽ takajaa bã.^c Tah ỹ hado dãk tii, Jesus hã tah'yy kae dãk do hyb n'aa, Jesus ky n'aa ỹ baher'oot do hyb n'aa ta hã ỹ radawẽẽs doo gó. ¹¹ P'ooj ub dooh baad ub Onesĩm moo wãd bã a wẽ. Hỹỹ kã baad tamoo wãt da a wẽ. Baad tamoo wãt wẽ ỹ na-ããj né hẽ.

¹² Ỹ mejõ nã a wẽ p'aa hẽnh. Tak'ẽp ỹ kamahãn tii, hã ỹỹ ỹ kamahãn doo da. ¹³ Taw'ããts hẽ paawã tabaym pa ỹỹ, a jawén buuj ỹ tamasa paawã babã, Jesus hyb n'aa ragadahew'ẽẽs doo gó

^a **1.2** Ta tób bã rawén kahet'aa, Jesu rahyb n'aa esee do hyb n'aa.

^b **1.6** Hahỹỹ da na-ããj hẽ ji hajaa ji erii bã tẽg nad'ẽẽd is do 6: "Ỹ ky n'aa etsẽẽ õm, ta wób hã mamaher'oot hyb n'aa Jesus hã ji h'yy ka'eeh do ky n'aa, baad mabahapãh hyb n'aa sahõnh hẽ baad hadoo do Kristo hyb n'aa ẽr hã P'op Hagã Do an'oo dãk doo."

^c **1.10** Piremon karom ti Onesĩm, kejẽn hõm do ta mahãnh.

ÿ ag'ëed nuuj jé. ¹⁴Dooh ÿ karën bã pa ÿ a karom tayyw bã makanarën bã. ÿ karën doo da nado. Makarën bã ti ÿ mamasa. ¹⁵Nepäh P'op Hagä Do an'oo bã Onesim ahöm dó a mahãnh, a pa had'yyt hë hÿÿ kä tabawät hyb n'aa. ¹⁶A karom had'yyt hë nado wäd ta tii. A hÿÿj hado däk hÿÿ kä Jesus hä tah'yy ka'eeh do hyb n'aa. Ër wakãän, ër kamahãn do hado däk hÿÿ kä ti Onesim. Tak'ëp ÿ kamahãn né paawä, òm ta bahãnh da makamahãn. A karom makamahãn do had'yyt hë nado. A wakãän däg hÿÿ kä Jesus hä tah'yy ka'eeh do hyb n'aa.

¹⁷A h'yyb hata hadoo ÿ bahadoo bã a hä, tii bã ÿ karën paawä ÿ magadoo doo da né hë magado Onesim. ¹⁸Baad nadoo do a hä Onesim an'oo bã paah, ta küüt nyy bã a wë, ÿ d' hep'aak. ¹⁹Daj ÿ né hë ÿ berih hahÿ moh ÿÿ me, mabahapäh hyb n'aa ÿ erih do hä, ÿ ep'aak né da tii. ÿ ep'aak né da, mahapäh né hë ti anäng a küüt hadoo wë ÿÿ, Jesus hä mah'yy kae däk do hyb n'aa hëp ÿ n'aa. ²⁰Ti hyb n'aa kä, Tak'ëp Hyb N'aa Jawyk Do hyb n'aa ÿ karën paawä baad magado Onesim. Mah'yyb tsebë ÿÿh, hãj ÿ mabahadoo do hyb n'aa Kristo hä ër h'yy ka'eeh do hyb n'aa. ²¹Hahÿ ÿ wén erih, hä ÿÿ pé mamoo wät né hë da a hä ÿ etsëe doo. ÿ etsëe do bahãnh né da man'oo bã ÿ hapäh. ²²Sét hë ÿ etsëe nä a hä: ÿ karën paawä mabenäm a tób gawakõ see ÿ gagä péh. ÿ gada da ÿ ran'oo bã ÿ bahöm ÿ radawäts gëet doo gó naa, P'op Hagä Do hä bë ky n'aa etsëe do hyb n'aa. P'op Hagä Do maa napäh bë ky n'aa etsëe doo.

²³Epararas, pa ÿ Kristo Jesus hyb n'aa radawäts gëet doo, òm tahyb n'aa esee mäh. ²⁴Maah-Ko, Aris-Tako, Demas, Rukas nemon ÿÿ Jesus ky n'aa her'oot doo, òm rahyb n'aa esee mäh. ²⁵ÿ karën Jesus Kristo, Tak'ëp Hyb N'aa Jawyk Do ky ennym bë hä. Jãam hë kä.